

馬風甯海遇重陽西入關來放肆狂好看梅溪楊柳渡喜遊竹徑杏花岡秦川鋪錦宣春睡渭水橫絲繫日長勝景無窮吟不盡命工圖畫比仙鄉

詠茶

盧仝七椀已昇天濺雪黃芽傲睡仙雖是旗槍爲絕品亦憑水火結良緣免毫蓋熟鋪金藥蟹眼湯煎瀉玉泉昨日一盃醒宿酒至今神爽不能眠

居菴

閑人相訪有何妨惟恐閑人話短長真樂真閑無議論至微至妙絕商量是非欲說氣神散名利纔言道德忘不若澄心常道藏輯要

漸悟集

平

胃集七  
川上

默默自然彼此得清涼

督韓三官人

男兒決烈在言談口契相違亦害慙雖是韓三蹶馬二柰何馬二憶韓三養家便是甘中苦學道須知苦裏甘甘苦苦甘還省悟出離火院住雲菴

收家書

家書接得急開封正值糊窗要辟風我意難隨你意去道心不與俗心同行功未滿大千數雲水須遊太一宮傳語兒孫並弟姪後來書至擎牆東

又